



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta Bosne i Hercegovine na 53. redovnoj sjednici održanoj 15. aprila 2015. godine, u s v a j a

ZAKON
O IZMJENAMA I DOPUNAMA ZAKONA O JAVNOM PREDUZEĆU «LUKA
BRČKO» BRČKO DISTRIKT BOSNE I HERCEGOVINE

Član 1

U Zakonu o javnom preduzeću „Luka Brčko“ Brčko distrikt Bosne i Hercegovine (Službeni glasnik Brčko distrikta BiH, brojevi 16/04, 17/08 i 39/08) član 13 mijenja se i glasi:

„Član 13

- (1) Upravni odbor bira gradonačelnik na period od četiri godine.
- (2) Upravni odbor sastoji se od šest članova.
- (3) Upravni odbor čine:
 - a) članovi iz reda građana;
 - b) jedan član na prijedlog Vijeća ministara BiH.
- (4) Članovi Upravnog odbora mogu biti i zaposlenici u organima javne uprave i institucijama Brčko distrikta BiH.
- (5) Članovi Upravnog odbora iz stava 3 tačke a) i stava 4 ovog člana odražavaju sastav stanovništva i biraju se na osnovu javnog konkursa.
- (6) Mjesečna naknada za rad u Upravnom odboru iznosi:
 - a) za člana Upravnog odbora jedna prosječna neto plata zaposlenih u tom javnom preduzeću;
 - b) za predsjednika Upravnog odbora naknada iz tačke a) ovog stava uvećava se za 20%.
- (7) Upravni odbor za svoj rad odgovara osnivaču Javnog preduzeća."

Član 2

Iza člana 13 dodaje se novi član 13a koji glasi:

„Član 13a

- (1) Upravni odbor imenuje gradonačelnik na osnovu prijedloga Komisije za odabir kandidata za članove Upravnog odbora Javnog preduzeća (u daljnjem tekstu: Komisija).
- (2) Gradonačelnik imenuje Komisiju iz reda članova Vlade Brčko distrikta BiH.
- (3) Komisija iz stava 1 ovog člana sastoji se od pet članova.

- (4) Komisija iz stava 1 ovog člana provodi postupak odabira najuspješnijih kandidata, uz administrativnu i tehničku pomoć Odjeljenja za stručne i administrativne poslove - Pododjeljenja za ljudske resurse.
- (5) Javni konkurs za odabir Upravnog odbora raspisuje se mjesec dana prije isteka mandata Upravnog odbora.“

Član 3

Član 15 mijenja se i glasi:

„Član 15

Upravni odbor:

- (1) usvaja statut javnog preduzeća uz saglasnost osnivača;
- (2) usvaja godišnji poslovni plan javnog preduzeća uz saglasnost osnivača;
- (3) usvaja srednjoročni i dugoročni plan razvoja javnog preduzeća uz saglasnost osnivača;
- (4) odlučuje o unutrašnjoj organizaciji javnog preduzeća uz saglasnost osnivača;
- (5) utvrđuje poslovnu politiku i donosi opće akte javnog preduzeća;
- (6) imenuje i razrješava direktora i zamjenike direktora javnog preduzeća;
- (7) imenuje i razrješava internog revizora javnog preduzeća;
- (8) vrši izbor i odobrava ugovor zaključen sa eksternim revizorom;
- (9) nadgleda rad direktora i utvrđuje odgovornost direktora;
- (10) nadgleda rad javnog preduzeća;
- (11) odlučuje o raspodjeli godišnje dobiti i pokriću troškova, uz saglasnost Skupštine Distrikta;
- (12) odlučuje o povećanju, odnosno smanjenju kapitala javnog preduzeća, uz saglasnost Skupštine Distrikta;
- (13) usvaja završni račun koji priprema direktor i dostavlja Skupštini Brčko distrikta BiH na odobrenje;
- (14) odlučuje o pitanjima koje dostavi direktor;
- (15) donosi poslovnik o radu;
- (16) vrši druge poslove određene zakonom i statutom.“

Član 4

U članu 17 iza stava 2 dodaje se novi stav 3 koji glasi:

„(3) Plata direktora javnog preduzeća ne može biti veća od plate predsjednika Skupštine Brčko distrikta BiH i plate gradonačelnika Brčko distrikta BiH.“

Član 5

U članu 21 mijenja se stav 1 tako da isti sada glasi:

„(1) Upravni odbor usvaja godišnji poslovni plan javnog preduzeća i izmjene tog plana uz saglasnost osnivača.“

Član 6

U članu 25 stavu 4 riječi: „s članom 22“, zamjenjuju se riječima: „s članom 21.“

Član 7

U članu 26 stav 2 mijenja se i glasi:

„Upravni odbor usvaja statut javnog preduzeća uz saglasnost osnivača, a pravilnike radi primjene zakona i drugih propisa donose upravni odbor i direktor.“

Član 8

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02- 450/15

Brčko, 15. 4. 2015. godine

PREDSJEDNIK
SKUPŠTINE BRČKO DISTRIKTA BiH

Dorda Kojić